

中國方志叢書·華中地方·第六〇〇號

據

清·吳文江修
清光緒二十七年刊本

影印

浙江省

忠義鄉志

(一)

成文出版社有限公司印行



10098350

中國方志叢書·華中地方·第六〇〇號

據

清·吳文江修
清光緒二十七年刊本

影印

浙江省

忠義鄉志

(二)

成文出版社有限公司印行



10098349

中華民國七十二年三月壹一版

忠義鄉志

共二冊

發行人：黃

成

助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第243號

光緒辛丑春仲新鐫

忠義鄉志

鹿邑傅松齡署檢

忠義鄉志序

周禮有之小史掌邦國之志外史掌四方之志夫四方何志殆卽今之郡縣志所自昉也嘗以周之職方攷之古之侯國尙不敵今日之大縣田賦之所入學校之所立山川風俗人物政治之所繫而紀載闕如奚可哉奉化舊志修自乾隆中葉迄今百餘年閒尙未續修

前泮

攝斯土之明年乃與邑之

士紳議商撰輯適聞忠義與剡源鄉志告成已而劉君雨棠以忠義鄉志見示并屬爲序其簡端展而閱之掇墜拾零類分條晰文詳事覈勸鑒昭然蓋鄉居縣之東偏延袤二十餘里有山左海地瘠民稠俗尙敢龐其人循循多有黃公之高節亦稱其鄉之名焉是編肇自吳君可舟踵成於雨棠諸君

子夫非有國家政令所及或修而明或否而昧一聽其鄉之人自爲之有司者未必過而問也而可舟諸君慨邑乘廢墜懼文獻之無徵毅然以鄉志爲亟亦可謂翹然彬彬雅務持大體之君子矣風化之行也始於鄉里終於天下故漢制十亭一鄉鄉有三老有秩善乎顧亭林之言曰惟於一鄉之中官之備而法之詳然後天下之治若網在綱有條而不紊斯志之修吾不知於古之言治者何如而紀綱秩如典禮畢舉使一鄉之眾知所則效則亦世教人心之所係也又豈獨備邑志之甄採也哉

光緒辛丑季夏知府用在任候補直隸州正任東陽縣調署奉化縣事湘鄉李前泮譔

忠義鄉志例言

地志之作託體最古周官所述各有專司隸至後世州縣府會作者林立求其畫界一鄉著錄蓋寡惟宋張氏卽之桃源志元豐氏灼三茅山志皆吾郡之鄉志也茲編體例竊所師承

忠義名鄉實非本始舊稱鄞陽亦曰海陰然寶慶四明志已列忠義之名署曰忠義有徵於古亦以信今

鄉居縣之東偏離城寫遠康熙乾隆兩修縣志徵訪旣略登載亦疏凡今所編務求詳悉非敢矜博異日重修縣志藉備要刪

測繪之學今勝於古自 會典館立畫圖處浙江全省已有

開方計里之書然核之域鄉往往離齟茲編首繪二圖一循
山脈以表村落一按官冊以正都崗

各門編輯自爲敘次或依都崗分數或依時代先後閒違此
例卽從本條註明

里至用工部尺核準縣人江後村孝廉迴所指示也茲編所
記頗溢於鄉閭常稱里數然較之縣志所載則大致有縮無
贏

山類編次初仿四明談助頗嫌錯雜茲仍從都圖爲次而山
脈之起訖索之圖上可得大凡

水出山閒山脈入海水亦歸壑蓋縣境有大川三中爲龍溪
西北爲剡溪東南爲金溪惟是鄉之水均不與諸溪會而獨

趨於海茲編略仿水經體以源之長者爲主其餘小水從合流處分源其源庶幾一目瞭然

士族宜表會稽章氏學誠議之詳矣鄧全氏祖望有甬上族望表最稱詳密聞縣人孫氏事倫亦有剡上族望表惜未見其稿茲采各族宗譜詳所自出紀厥始遷一字可據概著於篇其戶口數目則以覆查之歲爲定

○覆查戶口以光緒二十四年爲準

祠廟寺觀諸志皆同惟各族祠堂鮮有及者茲士族旣備著於冊則其族之堂名依次類列亦備稽查

人物一門舊存縣志多分品目後之議者譏焉章氏和州永清縣各志傳序例發明通暢當代作者多所據依茲編地局一鄉錄本屬不廣無論宦業儒林節義方術諸名目概

從刪削惟寓賢一類分門別詳

列女不分賢孝貞節等目一如前例

節婦但覈其實不拘其年或年踰三十與守未十載亡者雖與例不合仍多登錄然必明著其年示不誣也其失攷者姑從闕如至有已蒙旌表而詳冊年歲與譜乘互異閒亦略之

地志之書阮文達公云當作大事記故近人董氏沛新修鄞志取爲法焉茲編僅志一鄉似無當於大事之日然南宋之季世明代之倭患與夫魯王君臣之蹤迹皆有見於是鄉則謂之大事亦宜而海防諸政並詳於後庶留心軍務者有所攷焉

古蹟散著於各門無俟贅述其本末之載者則詳加編錄雖事細時近在所不遺

物產一門山禽水族名目最多花木稻蔬各類俱備一一徵引轉失冗煩茲編從簡摘錄雖有所本亦不詳註

編輯諸條多屬徵引各註所出明非臆造其文句間有刪節與互相串合者必加參字以示修飾亦有添補於徵引上下文中則以採訪二字別之其全係新纂者則不復註採訪

是書之作勑議自余友壻孫玉鳴舍人鏘當時刊有採訪條

例就正於鄉之諸先達咸蒙許可遂乃邀集同鄉劉丈雨

堂和琮 渭卿 紹璜

昆季周文弔亭憩南暨莊君崧甫景仲諸

茂才相與協力探討為編輯而採訪之勤且久惟周又為

尤著經始於癸巳孟春至丁酉之夏已再易稿而舍人方官
京師苦不得以全書面相商榷爲憾顧念縣志失修垂百二
十餘年從事修纂力實未逮而家承祖硯口誦父書苟有棉
力可施豈敢玩愒而以一鄉掌故聽湮沒於塵煤荒穢之中
奈草創甫成尙需釐訂心力交瘁二豎遘災正不自知其沈
疴之能起否因屬兒子崇嶠將全稿奉劉丈雨棠並將采訪
條例朗誦數過凡爲登稿時所更定者口授詞句一一增錄
成例言十有六則大致略備於此其中援引未當詳略失宜
匡正之功請俟同事君子若夫鈔摘家乘郵寄備采者則各
村賢達皆與有勞焉茲亦恕不悉載云光緒二十三年夏五
吳文江可舟甫口授於蘧醪樓下

長男
崇嶠敬錄

崇嶠敬錄

卷一

一

--	--	--	--

忠義總譜

